



你留佇桌仔頂的紙條仔

一具佇維多利亞港浮漂的死體是我的查某团
 著算雙手雙趂予縛起來
 伊嘛自由仔咧浮、自由咧泗
 我是伊無路用的阿爸

緊走，咱就按呢相閃身
 日頭已經無照起工起落
 月娘嘛予銃聲驚甲覘--起-來
 無法度倒踏的記持啥人有才調接載會牢
 夢--裡，遠遠看你提雨傘遮袂著銃子雨
 沃甲規身軀血獅獅
 苦袂得恁你抽退即个發癢¹的母土
 苦袂得停止這前世業的延續

咱有偌久無作伙食飯啊
 這幾工我毋敢閣看電視
 你的手機仔嘛接袂通……
 頂月日咱最後一擺對話攏無好聲嗽
 我捌質疑這是上帝交代落來的罪罰
 怪我雙手束縛向²腰妥協
 聽見警察佇街仔路頂勝利的喊喝

1 發癢：huat-hông。發炎。

2 向：àn。彎下去。

清清采采共尊嚴擲入去漉濁糜仔³內
 你敢知激生冷的頭面是自我防衛
 因為我無愛替你收埋你的青春
 戰爭強食弱是世界的定數 準講咱毋願慣勢死亡
 往過的榮華已經無才調閣喘氣
 上無我閣有你，你閣有我予你做靠岸
 我塊共想這是一場西北雨爾爾
 等雨落了，你就會轉來……

「阿爸，這是我的時代 我的主張 咱的未來
 慣勢無思考是欲按怎看見自由的光
 阿爸，你敢看有春天的影
 留佇塗跔的血跡，這毋是寬恕的洗禮
 無需要翻譯，自由是袂當喝價

當頭白日鑿鼻è煙火共頭前的路引去地獄
 我佮衝組的兄弟姐妹全片摸大索
 彈破的目矚猶原有法度看清這獨裁的驚惶
 佇記者的鏡頭內展現恁無愛致意的堅心
 身軀頂的疼痛是吮食民主的證據
 香港當咧流血，當咧沉落去地獄
 阮祈禱序大會當理解這是一場戰爭
 這毋是一場夢，咱煞姑不而終愛接載伊的重量

3 漉濁糜仔：lok-kō-môe-á。爛泥之中。

獅仔山頂的友--的共咱的訴求放送
 向望世界現此時看見、聽見咱的心聲
 欲共壓迫成做滲鋼⁴的意志
 自由種佇心內上深的所在
 拚勢用短khiuh-khiuh的青春
 喊和平理性的方式替換獨裁的退讓
 割破的子宮是閣一擺殖民的干證
 緊，著趁今暗截稿進前敢放心肝內燒佛佛的手尾字
 反擊刺夯夯的橫霸
 位大樓hǒng車落來⁵的友志
 用靈魂應答向望的救贖
 準講佇歷史的壁角猶原顯目
 硬插的性命猶原四界開花
 阿爸，我的掛礙敢通成做你的諒解？」

我的囡，我tsín才聽著
 聽著你的祈禱，自由的風敢會是來引焠
 焠開這深lòng-lòng暍袂飽眠的日子
 我迓⁶入去你對我的向望 看見
 你久見的笑容 起來咱父仔囡作伙勇敢

這落雨的勢面有影真大，我知你袂閣轉來
 是我赤禡禡⁷的軟泚綴袂著你猛掠的速度
 總--是，即擺我會倚--出-來

4 gàn 鋼：淬鍊的鋼。

5 hǒng 車落來：被推下來。

6 迓：hānn：跨。

7 赤禡禡：tshiah-theh-theh。赤裸裸。

佻你作伙共烏黔黔⁸的專制裂--開
 擔頭弓起來起做自由的粗胚
 歷史的幽魂閣再精神、死亡毋是一種慣勢
 咱袂閣為著空想的未來相信暴力後會有平和
 來，共身軀拭予焦 咱做一个約束
 摸搨網纏的情份就留佇街仔路
 起義者的獻祭終其尾喊醒沈眠的公義
 袂完成的革命定著行向後世……阿爸替你行

註：記香港友人■■佻您查某团反送中的遭遇佻過程。

8 烏黔黔：oo-khâm-khâm。很黑，黑暗。